

瀘谿縣志

四

地 250.117

38

34





瀘谿縣志卷九

人物志上

宋李覲字泰伯少穎悟五歲能調聲律習字書十歲通舉子業慶厯元年應制科首被召試有司失之遂退而隱竭力養親不慕榮利夙夜討論文武周公孔子之遺文舊制與當世之務悉著於篇爲文章自成一家倡立盱江書院鄉曲俊異從而師之東南聞風至者常數十人范仲淹守饒州得其文薦於朝稱其講論六經辯博明達釋然見聖人之旨著書立言有孟子揚雄之風并上其所業禮論七篇明堂定制圖序一篇平土書三篇易論十三篇共二十四篇不報皇祐二年仲淹又與余靖交章薦之乃授太學助

瀘谿縣志

卷九

人物上

教嘉祐初召爲太學說書明年又以海門主簿祿之時胡瑗罷以覲權同句管太學逾年以祖母未祔先塋請假歸葬尋卒年五十一所著書二十四篇外尙有周禮致太平論五十篇富國彊兵安民策各十篇潛書十五篇廣潛書十五篇慶厯民言三十篇常語三卷朱子嘗稱覲之學得於經爲多又言周禮論與已意合熙寧中門人鄧潤甫爲御史中丞上覲退居類藁皇祐續藁并後集得官其子參魯郊社齋郎明成化三年邵人左贊上疏請封其塋域禁其樵牧立祠歲祀復其守者詔允之瀘置縣後萬厯四十四年邑令潘元勳立祠學宮左有司歲時致祭祀以少牢李山甫字明叟覲之姪皇祐元年進士嘉祐中知建寧縣



遷建學校擇士充弟子員督課之儒風以振熙寧六年西  
師取河州守香子城以功遷太常博士通判河州羌人犯  
城與知州鮮于師中固守之凡二十七日而圍解元豐三  
年王韶薦其材可用授作坊使權發遣澧州召對論邊務  
神宗慰勉久之既至蠻洞懾服山甫長於聽決而原於人  
情臨事敏捷所至有聲累官樞密副使

李參魯字孝儒觀之子行純才周能濟父美哲宗朝鄧潤  
甫爲御史中丞以觀所著書上得補郊社齋郎調新興縣  
尉以能稱廉察使薦爲韶州判官未拜卒

曾誼字子常好學博聞善屬文皇祐元年登進士第補新  
建王簿擢龍川令歷上高新淦桐城所至平恕質慤務在

愛人不爲刻察提舉江南東路常平倉兼農田水利差役  
事同職欲增賦役錢於民誼爭不能得自請罷去遂知楚  
州楚饑四方之船粟至者市易吏定取價賤予價貴販者  
不爲行人以乏食又取民之食其伎者錮於官禁不得私  
粥市井騷然誼初止之不變則按致之法朝廷命他吏覆  
視不能易誼言市易吏得罪免誼益不合卒以他法罷平  
居恂恂及遇事不奪其守家故貧然節廉自重罷歸常闔  
門居不與人事或日昃不得食晏如也

石松字和甫元豐八年進士任巖州桐廬縣令陞右從事  
郎信州司戶參軍在神宗朝與司馬光文彥博呂公著相  
友善不附青苗之議所至有聲民愛慕之



黃曦字耀卿文章典麗度越時輩曾南豐與王嚮書曰愛  
吾子與南公黃曦皆吾鄉一時之俊也

饒廷直字朝弼紹興壬子進士歷官鄧州通判十一年攝  
州事值宋金講和以唐鄧二州割畀金人金人迫取鄧甚  
急廷直以未得朝命堅守不下勢岌岌乃使人閒道賫表  
上臨安以手染血印之語淋漓痛切遂自刎而死廷直學  
問該博嘗作將鑒論百篇後八十年包恢得其手錄遺藁  
於黃應龍稱其當天理而不悖兵法爲奇書云  
國朝雍正四年奉

旨建忠義孝弟祠與李大開同入祀

李彖字材叔以明經任杭州教授躬行孝弟和而循禮信

瀘谿縣志

卷九

人物上

三

而附義喜揚人善如恐不及致仕後居藍田山中教授生  
徒於諸經靡所不究尤用意詩易著有詩經講義易經通  
論孟子講義

石致平字君任淳熙二年進士授將仕郎任浙江仁和令  
有異政後致仕父老扶杖攀號不舍請畱衣冠奉祀之致  
平攜父老所扶竹杖歸植於進修書院之旁遂叢生焉其  
竹四時生筍玉色密節俗稱爲老人竹

傅汝舟字曉窻博學工詩欲紹先世令名乃立義試詩會  
聘鄧秀實師之日與四方名士更相唱和一時作者雲集  
李浩字成達又字竹逸幼嗜學淹貫經史尤工詞賦領鄉  
舉赴京不偶歸種竹成林優游自適



黃吳老字平一開慶元年進士授迪功郎贛縣西尉隨授  
修職郎和州錄事參軍改宣教郎知豐城縣事轉朝奉郎  
除臨安府北廳通判一月除登聞檢院兼國史編修與賈  
似道不合適祖母疾投檄歸隱廉能之譽著於一時

李允迪字德卿又字困齋淳熙庚子鄉薦深於經史居太  
學與朱熹張栻呂祖謙陸九淵講學日久有詩文十集諸  
子四書手錄六帙傳世

李澗字宗海觀之後登咸淳十年進士元初臺臣舉宋故  
官澗與謝枋得固辭不就時稱其忠隱於龍馬峯研精考  
訂以繼先代之緒以經學政事教授學者號梅臞先生

李秀芳字文敏七歲能屬對十三能文十八拔幟場屋上

京圻歸取陸文定集讀之有得謂如是讀書方不枉疾革  
所親問焉答曰天也引手揮婦人勿近拱手而逝

吳楚材名炎以字行德祐元年建昌降明年春楚材還其  
鄉領部與子應登糾集民兵謀舉義走邵武遂繇邵武太  
守黎靖德請濟師于制置使黃萬石萬石不許而授楚材  
迪功郎權制置司計議官以安之且戒勿與兵楚材不聽  
三月己亥自領部率眾晨炊蓐食將攻城鉦鼓震動甫至  
近郊之龜湖北兵三道躡之奪其長梯鐵鉤因進攻領部  
拒以木柵不得入事聞益王元帥府承制遷楚材宣議郎  
帶行天社令知建昌軍俾聚軍圖再舉萬石匿其命楚材  
既失利且乏援元兵誘降其眾多解去楚材走光澤父子



俱爲人所執郡遣錄事婁南良訛之曰汝何爲錯楚材抗  
聲曰不錯不錯如府錄所爲乃大錯耳府錄受宋官爵今  
乃爲敵用事還思身上綠袍自何而得吾一鄙儒特爲忠  
義所激爲國出力事雖不成正不錯也南良愧而語塞及  
吳浚爲江西制置招討使斬楚材父子傳首諸邑益王立  
於福州聞而哀之贈官朝奉郎卽邵武境上立廟賜名忠  
勇

黃叔美字河清仕宋爲登聞檢院宋亡隱居盱南山中爲  
詩慷慨磊落不凝滯於物有集揭傒斯序之兄叔敬亦以  
文學知名

危固字堅道少好學以孝廉聞推先蔭爲庶人作隱居詩

瀘谿縣志

卷九 人物上

五

以見志曰高士隱居處迢迢綠水灣數間玉川屋七里子  
陵灘出入是非外醉醒文字間千鍾天子祿不肯換清閒  
元簡肅薦其文除將作監主簿趙清獻復薦之召詔館職  
皆不就

元陳子野隱居藍田山谷懲元季士風之侈不求利達惟畊  
田讀書以道自樂終歲不抵城市其所居處人稱之曰陳  
坊若荀鄭里然

鄧景祥元末亂有曾伯遠者以其族自保景祥時在部下  
伯遠奇其智勇遇之甚厚景祥感泣誓以死報會鄉人黃  
長通閩巨寇龔甲伯遠惡之與絕婚長忿殺曾數人伯遠  
遂討殺長其黨請報於龔龔提兵入境欲滅曾氏勢張甚



不可禦景祥曰吾爲伯遠解茲旣死何惜乃挺身直往龔  
壘給之曰我伯遠也戴頭來矣餘何罪而欲屠之龔義其  
言卒殺景祥引兵去曾氏感其義立祠祀之

明傅震正統間邑大饑官帑殆盡震出穀助賑有司以聞降  
勅嘉獎勅江西建昌府南城縣民傅震國家施仁養民爲  
首爾能出穀壹千貳百石用助賑濟有司以聞朕用嘉之  
今特賜勅獎諭勞以羊酒旌爲義民仍免本戶雜派差徭  
三年尙允蹈忠厚表厲鄉俗用副朝廷褒嘉之意

徐政字孟宣成化甲辰由賓貢授廣西恭城知縣興廢舉  
墜鋤彊安善地接邊境蠻賊出入不常政下車示以恩信  
六年閒亂不復作地方獲安民懷之立廉尹坊

魏良材字國器英勇冠人精通武藝嘉靖四十一年山寇  
掠斬源草坪陳坊等處良材率鄉壯家僮勦賊有功巡按  
獎拔題授山東兗州千總固辭不就

孫奎字啟文稱曲澗居士積學敦行二親相繼逝廬墓六  
載未嘗一履家庭闢館舍以延四方學者日廩餼之里閭  
待以舉火者亦數十家喜吟咏每策杖泉石間有所得輒  
書之積爲曲澗藁嘗辯饒廷直死於忠義正德志誤人神  
仙其言極有功於名教又有史記辯纂孫蓋子兵法若干  
卷藏於家

陳希聖字思源潛心理學厲志操修不爲外誘師事羅明  
德與新城鄧潛谷南城蕭伯羽友善壯年嘗伏闕上書不



報遂退而歸隱伯羽令潛山歸延致之與商榷古今校定所爲詩文潛谷稱其好古獨行又稱之爲陳布衣其後復有危布衣者名萃台字象泰當國家末造每讀文山集慷慨激烈往往挾以自隨年五十更自斂抑聞金谿陳惟易精於易理徒步往請其說曰道在是矣遂俯首稱弟子時人賢之希聖所著有水芸臺藁仕學篇

孫琚字廷佩又字廉峯姿性敏捷常從桂古山遊與桂文襄公友善同兄瑾補弟子員後以恩選貢入國學授湖廣寶慶邵陽縣丞清謹愛民扶摘奸伏無遜情尹於訟不得其理者輒屬之解綬時耄稚攀轅載道晚年捐廣祭產創立義倉輸糧十石零入學資貧士膏火藩司督學俱獎異

之卒年九十有六

傅汝掄字材卿恩貢生幼嗜學不厭下筆千言立就試有司以學行首諸生事母以孝聞撫庶弟友愛篤至析產授以膏腴而自取其賸日授生徒數十講論不輟一時學者傾誠嚮往稱曰三源先生

張椿歲貢任平度州州判攝篆昌邑東土藉以保障會考成特賜勅褒榮以築城功委署卽墨以平寇功委署州尹上愛其才兼武庫俾參軍京衛九年敷歷贊詰克壯其猷轉瀏陽令

許子材字全卿又字仰山由例貢授常州宜興縣丞攝縣事勤敏廉明陞岷藩紀善致仕



鄒昊三萬麻閒大饑上諭富民出穀助賑昊同孫少東揚粟數百賑濟院道旌扁祖孫尙義

譚清瀄七世同居巡撫獎扁義門邑令范涑贈聯云七世同居頗有張公雜度一門敦義宛然鄭氏遺風

林政天性孝友厯事四繼母愛敬一如所生兄弟和藹不忍異居邑令范涑廉其孝友申請按院嘉獎年九十陳邑令禮請鄉飲

傅文燇敦倫樹義樂善好施弟姪幼孤教養婚配皆賴其力值歲連歉發粟數百石邑令優禮獎異之先後四御史給扁予冠帶

盧魁字南麓本姓黃金一幼子也金一有同懷妹適盧無

出固求繼姪於金一不得已以魁往魁性孝先意承志一如事其親姑母廢疾六年服侍湯藥不少懈姑父復病疽飲食起居俱左右之嘗負之出入以舒困及姑父疾棘命魁曰爾事我不異所生豈有孝子不念其本生者我死爾仍當歸魁不忍去後其子請復本姓魁泣然曰是又失吾父命吾繼盧初心也乃田盧爲姓而以黃爲歸生父產業悉歸諸兄焉

林敬天性至孝父病朝夕虔禱願以身代父愈敬七日亡父嘉其孝別置因以供其祭縣詳上給扁曰純孝殉身李文濬字少白萬麻時禮部儒士工詩今其集亡惟江左楊起元詩調連腴所選數首傳於世



曾漸字時達又字梅阜性敏達綽有文譽以例貢兩試北闈不偶授閩縣主簿守職以廉感民以德致仕歸暨家廟修先壟創立家規長幼翕然其他與梁義渡爲德於鄉者甚眾及卒邑人哀之

石文器字伯重又字玉完性骯髒慷慨任事萬厯己酉以選貢中順天鄉試癸丑成進士授廣東曲江令地多盜文器緝遊博絕至藏盜皆徙大水暴至田廬壞官廩粟盡濕文器不待報盡發之以賑民民大悅以擅發被劾降安慶經歷攝太湖令四十八日政聲茂著民立祠生祀之遷永平司理丁外艱補建寧鋤凶殪猾決獄於片言旁郡皆來質成擢大理左寺副轉右寺正與定諸逆案得其平崇正

己巳都城戒嚴有旨斂兵入城以待援師文器疏言斂兵城內十不便請簡精銳碁布城外鼓其愾怒以與勤王師合神臂飛礮之威有所施反閒潛伏之計有所用于謙用石亨洪彪於城外而社稷固於苞桑此已然之明驗也未幾袁崇煥復以入城休兵爲言帝遂下崇煥於理河閒缺守以畿南重地擢文器爲知府文器濬濠治械日夜以盜爲事盜發獻縣巡撫遣兵備道往捕兵備怯許盜自首盜益恣馳突城圍莫敢問文器掩捕盜魁尸諸市盜稍逸去遊擊孔有德叛文器投計營將伏兵潛伺斃賊五十餘人生俘倍之賊遂奔山東破一郡七邑靜海令巡撫私人也役民夫而中飽千金文器劾之巡撫怒劾文器設守擅殺



罪坐戍久之得放遭國變素服哀號卒年七十九所著有翠筠亭集易經臆闡四書義毛詩義

傅文燭字奎垣以訓導陞雲南廣西州通判攝府篆先是苗民獷悍叛服不常燭披誠布赤馭之苗民感泣相謂曰爺不我欺真父母也監司交章論薦例得遷燭老病乞歸魏名魁字公可萬曆己酉歲貢丁巳監考第一授廣西陸川知縣時邑凋瘵蒞任值歲大荒名魁捐俸以賑發倉廩以貸民乃安集復修葺學校月三課諸生厚其供億公餘擗管爲文爲諸生式陸川文風自此大振然心乎仁下疏於媚上故任未終而告歸

傅先覺字性海由歲貢授山東臨淄知縣嚴氣正性公忠自矢忤當事任八月免歸復文致贖欸蕩產無餘崇正元年昭雪起用以老謝

林志道字覺原由歲貢任浙江嘉興府通判管理嘉湖兩府白糧釐剔弊竇勸輸有法攝府政兼視道篆當繁劇之會以一身任之裕如也撫按交薦陞廣西柳州同知魏名大字匹凡邑庠生質直好義樂誘掖後進遇事爲人排解歲荒減穀價以濟貧乏邢御史曾旌其廬曰善士鄧舜日字五明幼習儒業以廉潔自持中年喪妻不再娶族有貧不能婚者助其貲歲饑自食糜粥留餘粟以賑困乏子二長璿次瓚俱以文名

魏雲中字溥若邑庠生篤學嗜古卽釋氏內典咸寄丹黃



積卷滿樓坐卧其中自夜分一寢外雖食頃書嘗在案朋輩目以書癖年未四旬病劇尙手一卷而逝

林士講字弼宸由歲貢任將樂縣訓導陞貴陽縣知縣撫綏苗民各得歡心雖直道左遷而邊徼至今頌德

林樹英字茹實由恩貢授泰州經歷謁選日條陳時事在官發奸摘伏每於離政橫暴之日婉轉爲民請生上官常加禮待之陞萊州州判

林世第字越軒歲貢生博覽羣書司鐸青齊多方訓迪擢滇南令急流致仕

盧允中字養元少習舉子業屢試不售父命商楚蜀以親在不忍遠遊父以年壯慰之乃客外十年歸悉出所獲與

三弟均分邑之來鶴亭接龍橋三谿莊上石橋俱捐多金後授省祭官

石文珩警敏嗜讀弱冠補弟子員事繼母以孝聞母病篤衣不解帶親調湯藥所以身代母病獲痊邑令梁應掄申請給扁賜粟以獎異之

林世熙字叔開神宇爽豁議論亢戇日惟抱卷朗吟落筆千言立就邑令潘元勳延訓五子俱有聲生平一介必嚴人皆仰其風節

石瑯字呈潤邑廩生時新建縣治試督學無一等瑯毅然呈於學使者面試盱江賦從姑山詩學使大嘆異拔以冠軍越數年土寇蹂躪練鄉勇以爲保障地方賴之



傅性純字毓元又字完璞邑廩生少孤力學負遠志進士  
石文器延置西席常稱其丰骨峻整品行純粹道德文章  
足範後人甲申聞國變哀號不食卒

方調鼎字伯元邑庠生家貧事母至孝嘗授徒近里有饋  
以甘旨者必持歸奉母主人得其情遂日進鮮於其家亦  
純孝所感也

魏能容字个臣又字洞谷崇正庚午領鄉薦以清風亮節  
聞於時授徒講學外齒無他及其後隱居食貧三十年淡  
然無忮求意

王拱盤字維城又字衡翊崇正癸酉舉人嗜學敦品言必  
有坊事父母以孝聞和樂及於兄弟產雖中落隣不舉火

澶谿縣志

卷九 人物上

三

者周之里不任葬者觀之人有冤而覆者白之有偷兒至  
拱盤善遣之終不以告人也其長厚又如此

黃鐘鳴字元韻由拔貢任合肥知縣端謹易直寓撫字於  
催科運精詳於博大殘封整頓士民休嘉時重鎮師集婉  
以馭之兵肅民安撫按交章薦舉

龔麟標字隱谿由歲貢授廣西興業知縣陞鬱林州知州  
敏慧淹博有聲詞壇而天懷古茂若不知人世有機械事  
受吏事不屑屑簿書嘗日進諸生以講學屬時多盜加意  
撫恤寬然於法度之外潛移默化盜漸解去說者謂有渤

海家風

鄧瑄字温如邑學生舜日子瑄少有志操動以先正自期



與弟墳俱受知於督學蔡懋德侯峒曾拔以冠軍爲學潛  
心經史務在窮理久之悠然有得謂堯舜人皆可爲雖顛  
沛流離弗懈也著有春秋補注一書於五傳多所駁正其  
承順父母友愛弟兄家庭之間尤見至性瓊字文孺母死  
水漿不入口者數日鄉人稱爲二難

傅金城字方築恂恂孝友讀書不倦尤潛心理學不事章  
句著有五經臆補惜兵燹不傳

傅代言字弼高邑庠生嗜學力行以古人自期尤敦孝友  
父歿哀毀骨立居喪三年不飲食酒肉事繼母敬養備至  
撫異母弟友愛若同懷

傅臬字念橋克敦孝友父早喪事母得其歡心撫鞠四弟  
恩義備至析產時推腴受賸出於自然鄉里嘆爲不可及  
傅仰泉事母以孝聞母中年瞽出入皆泉扶持飲食必躬  
進數十年如一日及母喪哀毀柴立朝夕薦饗必慟哭若  
有求而不得者

石鳴鳳字岐孟文器子少負英氣資性明敏髫年補弟子  
員樂善好施助三谿橋工銀三百兩以妖亂而廢邑有苦  
鹽權之徵者代爲完納不責償

鄧一芝字允中邑學生性孝友事繼母務得其歡日與同  
志講明程朱正旨著有莒山集門弟子稱爲莒山先生  
劉達可字子膺事親能養志友愛兄弟分居後兄弟或破  
其產達可時周濟之生平惟嗜學不辨權量對賓客不能



道世俗事流寓金谿金谿人敬禮之早歲著作盈尺多未授梓止傳館課十八則

高山字惟謙郡庠生氣量閒雅矩度不踰僊明季濁亂甘遺逸以詩書世其業常訓子姪曰遇合有數不可彊也農夫力田豈爲不逢年而舍耒耜哉

鄭世倫字育寰少穎異嗜學母孀居三十餘年綸承順意旨母疾篤禱以身代里有貧乏爲之周給遇不平事抗言之無懾於賢人君子每敬禮焉

黃振爲五邑軍營教師勇畧過人崇正壬申粵寇剽掠屢立奇功子大鵬調征妖寇奮勇先登失援遇害

李大開字皇求崇正丁丑武進士戊寅張普微妖亂身率

鄉勇堵禦地方賴之授浙江前營把總調守泗州皇陵殄賊淮北有功陞金華守備池州參將副總兵闖賊陷闕奉旨勤王時高傑等爭淮陽鎮江營與賊通大開力戰死祀忠義孝弟祠

高日華字登衢以武庠爲湖東道中軍豐輔長髯聲若洪鐘益藩深器之詢其能以騎射擊刺對崇正十七年出汎鷹潭委以千總

丁共功幼負勇略倜儻不羣崇正十一年鉛山妖寇張普微掠縣三都張家山夏桂廿一父子附微作亂邑令陳惇延武進士李大開督鄉勇勦滅旋張普微糾黨與爲夏報仇共功以鄉勇禦賊戰於南城小竺古角嶺力竭而死邑



道世俗事流寓金谿金谿人敬禮之早歲著作盈尺多未授梓止傳館課十八則

高山字惟謙郡庠生氣量閒雅矩度不訖值季濁亂甘遺逸以詩書世其業常訓子姪曰遇合有數不可彊也農夫力田豈爲不逢年而舍耒耜哉

鄭世綸字育寰少穎異嗜學母孀居三十餘年綸承順意旨母疾篤禱以身代里有貧乏爲之周給遇不平事抗言由守備至總兵屢戰有功封威武伯事潰歸隱常以青烏術走四方與豪傑往還已而械至章門磔死

王賓臣字簡伯孝廉拱盤子少喜讀春秋傳義氣凜凜每見諸文詞母孫烈婦死寇難賓臣徧求俠客起義兵卒報

瀘谿縣志

卷九

人物上

古

母仇會明亡遂入粵以義殉

石珂字叔寅邑庠生布服山居不求聞達當事以地方人才薦不就提督劉光弼專制江省欲起爲郡邑司訓固辭疆年失偶不再娶家多藏書兵燹後一邑文獻賴以不墜鄧化日字貞明又字著齋崇正二年督學蔡懋德拔貢南雍大司成姜曰廣以名賢許之見朝政濁亂遂隱居不仕肆力於濂關洛之學經史百家詩古文皆有成帙明亡避地閩中變姓名匿深谷者三十餘年至八十乃卒性峭直於屏斥世俗或太過而潔已守道善類宗之傅金門字玉署弱齡補弟子員旋食餼明鼎初革值歲薦不就爲文章宏練簡老爲瀘士冠



令陳獎旌之

林鳳申申國變籍家財送官助餉金谿之役先登中礮死  
魏一柱字砥一崇正選貢生與職方張載述同守瀘谿戰  
勝於密潭王得仁下令族瀘之丁傳魏三姓一柱棄妻子  
走閩襲破將樂聯結鄖西德化興安諸藩攻克建甯  
大兵圍之五閱月城下一柱死之

傅復字舒奇武學生貌嶮畧奇氣每於軍前獻策由康  
山守備至總兵屢戰有功封威武伯事潰歸隱常以青烏  
術走四方與豪傑往還已而械至章門磔死

王賓臣字簡伯孝廉拱盤子少喜讀春秋傳義氣凜凜每  
見諸文詞母孫烈婦死冠難賓臣徧求俠客起義兵卒報

瀘谿縣志

卷九 人物上

又十四

母仇會明亡遂入粵以義殉

石珂字叔寅邑庠生布服山居不求聞達當事以地方人  
才薦不就提督劉光弼專制江省欲起爲郡邑司訓固辭  
疆年失偶不再娶家多藏書兵燹後一邑文獻賴以不墜  
鄧化日字貞明又字著齋崇正二年督學蔡懋德拔貢南  
雍大司成姜曰廣以名賢許之見朝政濁亂遂隱居不仕  
肆力於濂閩關洛之學經史百家詩古文皆有成帙明亡  
避地閩中變姓名匿深谷者三十餘年至八十乃卒性峭  
直於屏斥世俗或太過而潔已守道善類宗之  
傅金門字玉署弱齡補弟子員旋食餼明鼎初革值歲薦  
不就爲文章宏練簡老爲瀘士冠



國朝盧日懋字其升邑廩生性孝每親意有所向悉力致之  
雅自矜尚以僻處見聞不廣遍歷山川覽吳下雲閒諸名  
勝與賢豪游曠然有得遂發諸篇章有旭堂新藝遇字草  
諸刻戊子寇變捐軀

盧珽字子伯邑廩生志氣遠大不規規於淺近偕其叔日  
懋日新訪學於鹿城婁東長洲諸名區與李繼貞顧錫疇  
馬時雍相往還著有古學彙纂行世戊子土寇亂爲族禦  
寇而死

卍璟字景玉少失怙孝事祖母及寡母撫諸弱弟友于備  
至創祖祠課後昆嗜善若飴嫉惡若穢母卒罷舉子業高  
尚其志督學使旌以熙朝遺老

瀘谿縣志

卷九

人物上

五

石鵠字漢舉太學生穎悟過人不屑屑於規撫而文多合  
法持躬嚴謹介然不苟取遇歲祲作糜以待餓者獲全甚  
眾

鄒衍泗字道爾邑庠生有豪氣敦行孝友推於族黨關學  
舍延師課子鄉里有貧不能讀者爲給俸貲聯文卅一時  
人文蔚起皆其獎掖之功次子之晉領康熙甲子鄉薦  
盧乘龍字雲躍邑庠生廉謹不與外事苟可濟人不惜財  
力族某受重旣度可得之當事潛爲解釋而恥於見德歐  
氏某其婿也卒無以葬乘龍爲之安厝如禮并葬其祖及  
父聞者嘆服

魏懋中字寰若邑庠生兄雲中早歿事寡嫂以禮育孤姪



以慈凡嫁娶延師築室增田身任十數年姪竟力學成名  
族父老訓子弟者必舉懋中爲法里有好譏訛人者獨不  
敢訛懋中曰彼固真君子也

魏奇字伯民又字白庵明諸生甲申國變棄舉子業新城  
御史涂伯昌勸王於閩與揭重熙薦奇可用詔授奇莆田  
令辭不就杜門著書遠近從遊至數百人奇通經史百家  
言尤潛心心性之旨嘗曰讀書所以明道進德非徒工辭  
章已也其教學者皆從切實近裏處著力一時高足如王  
軾傅春枝輩聞發所學爲多奇天性純篤七歲喪母事繼  
母撫幼弟以孝友聞丙戌丁亥閒兵寇交訐異母妹爲邏  
卒所獲奇破家產贖歸江楊之亂季第一子被驅入寨弟

婦抱病竄玉珮以死是時奇挈家遯山中聞變雪夜冒鋒  
刃昇其喪歸葬教於家三十年年九十有三卒所纂春秋  
左氏公穀胡傳凡六卷詩賦辨體十卷子文潢別有傳  
黃中澄字孔奕由廩生入太學甲申闖寇父被執幾不測  
澄日夜號哭百計脫之

魏教字鈞千弱冠補弟子員嗜古博學與兄弟相師友明  
末亂棄八股業專攻經史古文兼通宮譜憫俗之縱子女  
入廟燒香者不可莊語也作擷芳園翠屏山曲以寄意  
林繼賢字毓一恩貢生學問淹博動止矜莊一語未嘗躁  
率父懼非謫挺身昭雪百折不回而事得白遠近稱其篤

行



魏銓字君衡弟一躍字潛生兄弟俱博學嗜古嘗走數百里欲師會上平於臨川會上平已卒乃即其舍芻結精廬以居求遺文於其子而讀之既而其學大進傅平叔序其文云大魏閔放多奇小魏沈雄獨秀一時有二難之目于志澄字廸資六歲失怙事寡母克孝性嗜學博覽經史雅擅文名都人士咸奉爲準繩順治十年歲貢官南安府學訓導

盧夔龍字雲翼順治十六年歲貢生任龍泉司訓時喪亂初定宮牆積敗士民散落與邑令多方招集還本業攝萬安督學邵吳遠查兩學不與試者數十人謂其陷賊欲褫之夔龍力爲辯白邵報可數十人得無恙後陞松江府經

歷攝縣篆有政聲

李廷棟字晉明恩貢生母患目棟以舌舐之目遂明居喪哀毀骨立歲凶平糶設粥以餬飢者不慕榮利優游林泉自樂其志

傅南錦字天孫庠生孝友播稱內外無閒從父應

廷試父染疾京邸連月目不交睫痛父歿幾至隕身忽遇良醫竟得活人以爲孝行之報云

盧升龍字雲蒸邑庠生性直慤值閩變困於兵不爲屈脫歸孝事二親依依孺慕訓子先孝友而後文藝督學使扁獎之

盧琬字子嘉邑庠生性醇厚事親能得歡心親疾敬奉湯



藥衣不解帶親歿居廬三年晨夕哀號如初喪晚事繼母  
愈加敬謹人無閒言

盧宗蕃字大生邑廩生好讀書目數行下孝養繼母母疾  
衣不解帶者數月人有危急卽舐囊周之後家業漸落意  
趣仍自灑然

魏定化字際明諸生家貧失恃能承順父志丁世亂移家  
郡城時南瀘界有乘亂爲寇者亂平定化挈家歸餘黨猶  
盤踞貴谿之朗港與土弁相關通焚掠甚慘定化乃爲議  
以狀上於邑令李卽龍轉上之巡道李嘉猷發兵征朗港  
擒土弁誅之瀘始安枕時順治九年也

龔麟桂字馥生邑庠生性溫恭幼從學於胞兄麟標師事

瀘谿縣志

卷九

人物上

夫

之禮備至不問家計饒乏里有急者輒周之因是漸貧舌  
耕自給終身不履城市

鄧可人字文子郡廩生品端方博覽羣書病篤以二房孤  
孫天民敦復屬子克昭扶植之人以爲克廣親親之義  
傅雲騰邑庠生力學敦行中年失恃哀毀骨立父病禱以  
身代友愛諸弟極真摯分產時讓腴取磽晚年藩府延爲  
西席名噪都會

鄭之俊字公廸邑庠生性剛而好義有楊喻二姓鬻妻償  
債者慷慨擲金曲全之歲壬辰山賊竊發設策驅逐鄉里  
賴以安堵邑有公事竭力贊助臨終屬子弟以邁德敏學  
正襟端坐而逝



鄧大儀字伯正少失怙事寡母得其懽心撫幼弟成立性淵宏人犯之不校遇人有患難則扶救恐後負債難償者常還其券時督學郡縣各給扁以獎

吳謙字益人又字牧菴性敏達讀書日可萬言癸卯科舉見遺以遊場登鄉薦十三郡奇之胸次磊落偉業自期著有亭亭居詩集

傅琦字箕石少失恃家貧廢讀適有戲侮者琦腹憤曰昔人有年二十七始發奮讀書者予年尙未及此走白其父父壯之命復理舊業不一二年而學成一試入庠再試食餼撫四弟各有成立

丁元字長人邑庠生家貧嗜學爲文警辭逸韻試輒冠曹瀘谿縣志

卷九 人物上

九

尤見器於司李王錫袞謂其文高一邑遭寇亂歿於兵饒萬民字育生邑庠生父魯岑遭土弁之難戕於兵萬民枕戈待旦蕩產數千金卒得仇手刃之以報

傅宗舉字德品邑庠生恂恂敦篤厲志下帷接人不苟言笑謹身常如處子其孝友真性孚於家庭無閒言

丁天漢字雲章任俠有英略甲寅之變官兵駐瀘者萬人天漢度賊破有日婦女被掠者入軍必指爲賊婦先期簿列姓氏上之全活甚眾賊投誠者屯田閩瀘之界狻獠特甚天漢遍顧大吏盡撤去邑人始安

李日彰字旦旭郡庠生甲寅閩變集鄉勇以待王師靖山寇以安井里地方賴之



王雲程增廣生博學強識罹寇亂難罵賊而死

王璵字典玉邑庠生性剛直見義必爲嘗集紳士請草里役定條鞭爲瀘出力時有不能完婚者贈以金券不能償者焚之年九十餘猶誦四子書聲達戶外課諸孫講晰義蘊晦明不倦

丁開泰字見可邑庠生天性過人胞弟逢泰久客不歸開泰以世宅腴產讓姪爲人寡交交則終始如一友某假金遠賈折負莫償開泰絕不介意招爲西席厚其館穀友辭讓開泰曰不如此子何以活家後數年寇亂始與友分袂丁聖作字哲士邑庠生幼失怙恃育於從伯母李旣長事李如生母愛李子若胞弟歲大饑族中貧者難活聖作乃

瀘谿縣志

卷九 人物上

三

聚族中富者議已爲之倡令各出所餘計口以貸

徐有功少負膽略英勇過人順治戊子康熙甲寅閩寇逼瀘有功鳩眾捍敵居民藉以生活

鄧恢先閩叛餘孽肆毒光瀘開恢先以練總奉委獨守大源界口爲闔邑堵禦賊平授許提督標下千總鎮守饒橋于佑字右人邑增生少負才略甲寅耿逆變建屬邑皆被蹂躪時有土弁擾邨落擄男婦二百餘人佑緩頰於寇渠卒得脫瀘民糧被僞徵者累年定後追積逋佑率眾叩部院涕泣陳情乞請蠲免上鄉谿石嶙峋不通舟楫佑哀眾貲鳩工鑿之邑苦大差值年者多傾其產佑集同志紳士累呈各憲詳革請定畫一條規至今賴之



李紹輔字荷簡武庠狀貌魁梧負勇力一食可肉十觔米一斗江機寇瀘有勦賊將軍駐定安寺紹輔以古鐘與之角力將軍一舉而止紹輔提鐘鈕周行佛堂將軍屈服江機聞不敢過其里赴武闈撫軍下人知其必捷索銀三十兩紹輔毅然曰君子進以禮吾豈肯賂左右以博功名耶竟被黜不復求進取以敦善行爲務歲饑施粥嵩市負債者輒焚其券人服其勇而義

傅璜字璧如康熙己未歲貢司訓新昌日課月程不憚勞瘁歷任十二年雖桃李盈門而寒氊冷署泊如也解組歸閉戶著書壽八十六卒



瀘谿縣志卷九

人物志下

李日彰字昭旭康熙戊午領鄉薦授靖安縣教諭每朔望集諸生講大學期以致用士咸佩服癸酉聘入閩闈主考孫子未甚重之擢荏康知縣丁母憂服闋補南和適水滂彌境鄰縣匿不以聞彰慨然曰是豈所以爲民父母爲請蠲賑得報可民困稍甦歲饑再請賑復捐俸設藥局以救疫在任五載民頂祝不置以疾解組歸重刊盱江集立義倉以惠族人邑中多稱道之

鄒之晉字仲昭少聰慧一目數行偕兄之震餼縣庠初中副車甲子登正薦居家孝友動以禮法自持見不義惟恐

瀘谿縣志

卷九 人物下

浼亡樂誘掖後進一時人才多藉以陶成

曾先春字子元歲貢生爲文雄奇高渾尤工書法

廷試授新昌縣司訓正士習勸課菽糶取之財視若糞土晚歸林泉訓子姪砥厲廉隅學使郡守皆旌之

盧宗振字大誥歲貢生弱齡補弟子員設帳二十餘年邑中知名士多出其門七試秋闈不售銓授瑞昌訓導課文而外言諳諳於篤行迄今瑞昌士風淳雅皆其功也所著有春心定旨參

鄧應角字雲先又字若人少負大畧以經世爲己任詩古文詞更冠絕時流康熙乙丑拔貢部考授知縣未任而卒孫觀任慶元縣知縣馳贈文林郎存守菽堂藁數卷



魏邦屏康熙乙亥歲貢性寬宏不露圭角而骨氣駿爽爲  
合邑草里排開水道噴有賢聲著有適興閒吟草

黃棟字大彥歲貢生學行爲鄉里望優於幹理草里排修  
城池與有力焉授德化教諭未任卒

魏學徵邑廩生博覽羣書析理深細屋側豎亭植梅五株  
中雜一柳每銜觴賸詩自娛號樂梅侶著日涉語錄數卷  
周鑒字光遠歲貢生讀書朝夕不倦爲文博雅一時從遊  
者多成立性尤篤誠無詐飾里中有忿爭者聞其言卽怡  
然以解及歿鄉父老皆憤惋曰不復有是人矣

傅作舟字若濟邑增生幼失怙恃挺然自立童年卽負文  
名而慷慨果毅見於猷爲者尤高人一等次子彤登丁巳

瀘谿縣志

卷九 人物下

二

恩科進士三子彰歲貢生

徐秉謙字子益讀書懷古不求聞達有孺子風歿時南城  
夏士偉輓以詩曰暮雲春樹兩悠悠不老青山亦到秋泉  
石煙霞風景在生平原不事王侯

李元勳字念功邑廩生博覽羣書通達時務縣值役者爲  
里排所累元勳偕紳士請縣詳革至今咸頌其功

譚采吉字惟章孝事繼母四十年如一日壽八十有三  
林砥柱字美大邑庠生八歲失恃善承父意友愛繼弟終  
身不忍異爨嘗署爲善最樂四字於廳事爲家訓甲申大  
祲減價出粟並不責欠時有林佛之稱

鄧之麟字開周邑庠生性純篤幼失怙恃惟祖是依祖旣



耄朝夕侍奉得其歡心撫從弟之偉從姪天章兩孤皆能不墜先聲居鄰縣署非公不至飲月澆花有自得之樂周清字立夫邑庠生嗜學能文事父母愛敬備至妻傅氏亦如之人稱孝子孝婦

盧宗臣字大鄰一字慎菴康熙辛酉舉人授上饒教諭訓飭諸生具有師法值

聖廟傾圮捐俸倡修戊子應闈聘充同考官解綬歸孝養繼母嚴課子姪焚香讀史外惟怡情山水而已年八旬卒

李應星字薇卽康熙壬寅恩貢任湖口教諭嚴課程慎防檢張訓士文十五條渠渠於禮義名節大閑真摯之意溢於辭色非公會不一至縣署縣令安纘祖雅契之在任五

瀘谿縣志

卷九

人物下

三

載告歸數月卒

許士宏字一先康熙乙酉秋餽滿應貢試會城督學使故遲其期諭令先應鄉試是科中式士宏少孤極力事母垂老不失孺慕心

魏文潢字卓公承其父奇家學潛心性理創澄心書屋以引掖後進著書往往發先儒所未發其言曰易於至變之中有至貞之理貞也者知明守固以人事挽造化之要道也卦無定向貞亦無定在爻無定位貞亦無定所游移者非膠滯者亦非此義不明纖緯術數之家竊其緒餘流於妖妄適足啟人諉命之志行險之心非聖人以道義配䟽福之旨其說亦本於其父兩文潢交暢之著易本義講疏



若干卷生平剛介疾惡如仇家貧不問生產鄉族質成決以片語皆推服無怨康熙甲午舉於鄉所著易疏外又有四書講疏邑人士皆錄之

鄧斯示字敬修又字肅齋增生父應角積學有名康熙乙丑以選拔廷試授縣職歸卒示年十一而孤無伯叔兄弟惟祖母與孀母相依性孝祖母老疾卧牀褥十餘年示侍起居調湯液終始不懈比歿哀毀逾節事母亦如之爲人敦厚好善孜孜如不及嘗捐貲倡建祖祠置祀產修大宗譜及接龍橋皆殫力爲之以子觀貴封文林郎

李先發字湘玉邑庠生事嫡母侍病三載不假僕妾力歲甲申石穀千錢傾厥以賑於邑中公事俱竭力成之

瀘谿縣志

卷九

人物下

四

盧心瑛字元弼性明敏臨事果斷時遭寇亂奉委總練作一邑保障後生業艱辛父命理家政二十餘載一堂聚順人無閒言每外歸輒衷時食以奉二親夜設飲呼諸幼戲於前以博父母歡邑令常分府李俱獎以扁

石鎮邦字良柱郡庠生乙卯父遭寇劫鎮邦破產冒刃以贖賊心未厭欲留之鎮邦抱父慟哭不已賊感其義釋之盧宗尹字大立郡庠生孝友真摯父遭耿逆挾餉留營尹冒刃往以身代父出妻弟林種染疫病親戚不相聞惟尹至其家力爲調護弟景春爲邑公事羈省憤激代控不避險阻以致身危聞者傷之

桂開字建侯孝事父母年五十不失孺慕心父病疏祝寤



神願減己算以益親居喪廬墓三載年六十無疾而終  
盧心瑾字懷玉爲人動循禮法父遭賊拷挾餉泣救願以  
身代捐貲修寺宇裝佛像建亭砌路有求必應歷久不倦  
林嘉模字剛中歲貢生薛枕圖史爲文規仿金陳門下士  
彙其藁三百首問世兄嘉彬字震孟亦篤學能文兩人年  
屆七十常終日對坐率諸子弟敦天性講文藝爲家法焉  
徐景儒邑庠生儻募任俠聞氛靖後縣治榛莽修城建學  
多資籌畫緒論所及纏纏數千言莫能遏其鋒嘗以公義  
除里社之害幾坐法隕命卒得釋  
鄧敦復字繼堇父守謙早喪母饒氏以遺腹生敦復守節  
五十餘載康熙五十四年母得

旌表建坊雍正二年奉文節孝已旌者所在地方建祠享祀敦  
復於公帑外以己金數百成之母六旬後病癘手足不能  
運動敦復百計調治設卧榻母側母起爲之衣飯爲之哺  
事無大小必躬親卽衣膾浣不假侍婢十年如一日  
李夢日字英男邑廩生性敏嗜讀家素貧積俸購書至於  
充棟戊子辛卯兩以五經薦不售偕其弟夢月敦孝友酣  
經籍扶翼後進瀘新南三縣門徒雲集著五經括說四書  
集要詞賸諸藁俱家藏之惟夢月所訂經驗良方行世  
李元綸字佑公性孝友親歿居廬三載不入內室父終時  
與以百金元綸瞿然曰父病莫療反因以爲利乎丙子丁  
丑歲連歉同從弟元輔紹輔施粥嵩市甲申買米救饑理



橋路焚借券善行爲多邑令沈舉鄉飲

盧心安字維德操鄉曲贏貲不自封殖建橋砌路衣寒飯  
饑無倦意亦無德色時有鬻妻償貸者贈金保全之貧不  
能完娶者賕橐代理有鄰某行竊其家爲所獲婉諭釋去  
不彰其惡其長厚如此

魏光選字達九邑庠生素負遠志手顛不能進取退居課  
子姪先德行而後文章于吳母弟光齡多方扶翼讀書樹  
品相與有成銅岡橋燬首倡捐造歲庚寅領修

文廟督學獎扁邑令三舉賓席

魏楠字子良國學生器宇岸異擁貲而能散邑中公事動  
以多金首倡建濟美等橋寒士有求者應之尤雅意賓席

瀘谿縣志

卷九 人物下

六

謙縑委積故子姓多以文章著聞

止谿字子容歲貢生弱齡值閩變竄匿山谷中裹冊默誦  
不輟卒以能文名於時

鄧天章字雲倬例貢生少孤奉母訓力承先志好學能文  
以其餘發爲詩歌性慤而公正凡有裨地方事輒首倡之  
鄧中立字贊皇由廩貢任新昌訓導師範克端儒行素嫻  
一時後進彬彬人文蔚起刊有校士錄傳世

吳士徵字登庸邑庠生素行慷慨族中子弟有貧而好學  
者出貲以助膏火尤精醫請療輒往愈不計謝艱於嗣息  
易簣時妻孕彌月越數日舉一男人以爲厚德之報

王鐫字子雋邑庠生有幹濟才邑中重修



文廟倡改折造渡濟涉關途利行皆毅然任之壽八十有四  
譚嘉言字惟祥邑廩生嗜經史尤愛左傳爲文逼肖邑令  
樊以大器相期父病篤告神請代旋奄奄將隨父逝語家  
人曰我必下訴冥司挽父三日不返始掩棺聞者傷感  
龔幹字正輔學富行優不事榮進惟以得親爲樂嘗遊西  
昌張貞生欽其德器贈詩曰不隨波靡逐風塵力養萱堂  
樂性眞茅子遺風今再見誰言斯世少賢人  
單恭本姓胥字儀鸞歲貢生立品修行不屑屑於細謹而  
議論明決鄉鄰忿爭者多賴取平雍正乙卯選授撫州樂  
安縣訓導不及任卒

丘宏濬字象琛邑庠生篤於孝友析爨時父陰厚幼子倍

分其產濬不較父猶藏白鏹將以畀其弟忽爲濬所得仍  
還之生平自讀書外他不與聞

丘四教字省尼篤學謹行孝事寡母母稍怒卽長跪請管  
朴母色霽方已待人無機心鄉里貧乏者多賴以濟著易  
解傳後

周思緝字公敏由諸生入太學考授州同事母有至性躬  
澆濯服物聞母嘆息聲卽下淚病侍湯藥坐起皇遽居喪  
盡哀殯葬依於禮操行方嚴理所是雖僣從亦遜下之所  
非終不爲彊暴屈兄應兆早世值耿逆江楊之蹂躪嫂姪  
倚之得以安養成立鄰有祝姓者殖於積負將鬻其妻緝  
慨然胙橐金償之卒時蒸質劑五百餘兩子立愛乾隆丙



辰舉人

石映奎字璧次邑庠生通達世務兵燹後因草事宜有司莫得其要領咸就諮焉先是邑民累於里排值年者多破產奎集紳士請議於邑令條陳司院得行一條鞭法邑人感之

曾洪祖字壽昌邑產生嚴氣正性言笑不苟挹其丰規令人抑然自斂詩書外絕不營心每租入時斛內置木錠出則去之人稱爲長者

魏光齡字命九邑廩生少穎異頭角嶄然及冠踔厲風發有文譽待人無城府羣從兄弟頗蕃光齡處之各當聞言輒爲退聽惜不獲享長年妻盧氏見列女傳

澶谿縣志

卷九

人物下

入

饒尚友幼失怙恃兵亂二兄逃散尚友尋之歸分己產以相贍兄卒撫其孤教養婚配又以己產均之

林珩字孟芳早喪父事母克孝飲食侍奉未嘗少懈一言一動恐或拂母意兄弟和愉老而彌篤家素饒有負欠者異顏遣之年七十而終子可權太學生邑公事多賴之

何喬字鞏明幼讀書爲時賢所許以數奇不遇經理先人舊業仁慈好施有貸金數十者將鬻妻以償喬聞還其券止之鄰里有饑寒給以衣食殯葬無具施以棺木

胥惕盤字懷吾歲饑散穀以卹族鄰之困尤加意貧士遇紛難出己貲以平之里中洪潭渡爲信金南通衢建菴施田歷久不湮年八十七郡守扁旌焉



魏邦達字德昭邑廩生幼失怙事繼母孝母稍有斥責卽長跪待罪待異母弟甚友愛弟亦恭事之弟復不祿達撫姪以聽於母初終無少違

鄧汝寬字裕乃國學生器局宏敞累鉅貲不自封殖凡義舉多勇爲有龍蔭李姓爲索欠者所迫將鬻妻寬聞卽如數代償爲之保全後邑令李如瑤具其行達大吏藩司特扁獎之

林廷謨字欽士邑庠生少失怙事寡母能得其歡有子十人課以詩書一時鼎盛好義舉城南五里爲往來要津獨力砌以石邑令白潔撰記至葉源橋銅岡橋養老峯大路襄貲修建皆有力焉邑令李舉鄉飲介賓

瀘谿縣志

卷九

人物下

九

傅學周字元倫邑庠生幼警敏能文有聲後益肆力於學孝事父母細行必飭厭氛囂常歷時不出戶限淡泊閑適與世途迥異

鄧天民字行達邑庠生姿性卓茂以文章世其家尤愛蒐輯凡古人高文典冊皆錄而掌之其西堂家塾多見於名人題咏

鄧占鼇歲貢生督學使以才品精壯具題簡選會伯兄卒占鼇憐孤姪無依辭不赴爲理其喪後家務悉爲籌畫出納秋毫必記尤好施與遇饑減價以糴有貧者貸不取息銓授南安府司訓未任卒

丘鑑字子監拔貢生十歲能文旣長學倍進凡構菘干言



立就一時知名士咸慕與之遊年七十猶偕門弟子角菘  
三場英氣不衰居鄉精明渾厚人樂親之而不敢犯  
會之燧字凌萬郡庠生性寬宏識大體凡有關於宗族鄉  
里者靡不捐金倡助有陳氏子幼孤貧求供役燧視之如  
子比長分與田產房屋并爲娶婦延陳氏宗至於立橋渡  
恤困乏賑饑荒諸事皆實心行之邑令王舉鄉飲介賓會  
孫聯藻乾隆壬子舉人淑薰嘉慶己卯舉人  
魏大升字象文又字月邨負經世才以拔貢應 廷試第  
一授兩淮呂四場鹽課大使在官清慎凡救荒浚河築范  
堤諸務克著勤勞署通州分司稱其職旋膺卓薦候遷知  
縣制府委修揚州高明寺

瀘谿縣志

卷九

人物下

十

行宮會疾作卒於工所

林際輝字以炳由廩貢任鄱陽訓導有聲康熙辛丑歲除  
出前港莊穀六百石散給貧民在鄱陽推道訓俗諸生悅  
之卒於任

丘維敘字功九邑廩生質高學粹時邑中學者於四子書  
多守范紫登之說維敘獨肆力於濂洛關閩之學疏通而  
證明之後金壇王已山滙參出學者得維敘遺書較之多  
相表裏文以王唐歸胡爲宗生徒多知名士後進如主事  
魏若虛進士林策皆私淑其徒者也學使其重其文擬登  
選拔維敘以父鑑試列第二己不欲先故不與拔學使知  
其意遂拔其父



黃楣字玉書以歲貢任贛州安遠縣訓導立品清高胷無俗累爲文俊逸秀雅在任常以節概相風示未及績期卒於署士人傷之

胥誠字叔歐邑廩生性謐靜沈酣六籍掇其清華爲文鮮妍所言論必依前哲至於事二人篤同氣尤真切無僞鄧祖禹字信伯邑庠生有聲儕輩中銳意場闡風力騫邁遇愈艱而志愈奮年八十猶隨歲試諸生課優劣操履不苟一邑之耆年碩德也

傅彩字儀成形兄邑庠生家世儒業以承先爲昆季倡嚴坊表有籌略族中仰其丰采年七十依依北堂不殊孺慕鄒翔鳳字鬢序邑庠生脫落世局深存挹退父疾侍湯藥

瀘谿縣志

卷九 人物下

十一

惶遽不安寢父卒母繼亡哀痛欲絕廬於墓所甲申歲饑發穀以賑鄉鄰多賴其德

傅彤字儀翰又字丹峯少負大才英敏絕人雍正丙午領鄉薦壬子與浙江同考官稱得人乾隆丁巳恩科成進士特令新進士得便宜言地方一二事彤乃上言瀘谿山多水少漕運實難請得如廣昌例改折爲便同時前令王鉞之子文璿官諫垣承其父志上疏而改折之旨下瀘民皆曰於我有德瀘水西下數十里與廣信合流然險阻不能通舟楫彤始倡議爲開河之舉伐石導流功將竣有爲蜚語搆之者罹難中止彤性剛介勇於爲義故不爲齷齪者所容然諸所創建功在當時客遊淮揚以疾卒著有集蓼



篇南城主事潘從龍於彤之生供其乏死歸其櫬與彤恤陸氏遺孤事同出高義云餘事見潘從龍所撰被難紀錢琦傳

鄧觀字用賓又字我軒幼聰穎好學爲文力追先正工詩善書雍正己酉由邑廩生舉於鄉乾隆丁巳成進士宰浙江處州慶元縣八載清慎明決士民愛戴上憲委辦青田縉雲菑務全活者萬計先充江南同考官後三充浙江同考官薦舉皆知名士丁艱旋里姚孟兩太守徵修府志考核精詳合郡宗之服闋選山東栖霞未就日以教子孫爲事著惜分園制菘四卷

周立愛字惠民一字東邨乾隆丙辰恩科以選貢中式

順天舉人壬戌會副性嚴毅介特博洽經史尤精研諸子爲文宏深奧折有周力堂風生平慕義首公如傅進士建都城會館廬孝廉倡復邵城公館王給諫請改漕折皆瀘之大事立愛均贊襄之又作記以垂久遠乾隆辛未延修縣志藁皆經其手訂因未暇校刊內多竄易更著東邨辨謬斥之

石迴瀾字東川例貢生慷慨好義獨力創育嬰堂捐租三十石以資乳哺邑人傅彤倡建會館於都城首輸百金襄之族中待以舉火者凡三十餘家歲莫必度其所需給以錢米其他救饑餒修橋梁完人夫婦者難以枚舉性嗜學嘗從梁質人份遊與南城張百川江梅月川之珩友善邑



令李如瑤朱崧延修志書多所釐定子儼字禮與例貢生好學樂善如其父性嚴毅動循禮法鄉里皆敬畏之尤善歧黃術求其療病靡不應遇貧乏者施以湯藥必俟其瘳而後慰所著有寅堂集儼子湛嘉慶戊午舉人

林麟字國柱少失怙恃事繼母克孝母病癱人無敢近獨麟夫婦日夕侍三年不怠居喪哀毀如所生父方歿兩弟甫離襁褓麟撫育教誨底成立先世僅有微產麟躬率兩弟力作異爨時數倍於昔猶推肥受膾交讓再三賑卹貧乏貸不能償者焚其券婚無室之親殯無棺之族善無大小靡不樂爲子中友亦以篤行稱後以孫策任廣西蒼梧知縣貶贈文林郎中友贈文林郎曾孫自立戊寅舉人

瀘谿縣志

卷九

人物下

十三

彭輝雄字先民以微產起家而志切濟人凡事關鄉里者每樂爲之嘗助建赤境橋謂是古名人故址不可終令湮沒也又獨建雙壽福壽等石橋計費共八百餘金

林繼篁字履光性倜儻有幹畧由太學生授順天寧河縣尉地方梟販萑苻竊發篁嚴緝奸宄執其渠魁置之法民獲安堵大吏廉其賢以計卓題調大興尉京師首邑差委最繁篁踴躍辦理罔不協值河決

朝廷發帑賑濟篁不假胥吏親查戶口散給老幼均沾實惠又承辦河道鞅掌勤勞炎蒸不避竟罹疾卒於官年四十三大司寇裘文達公爲之傳

黃堂字雨椽又字秋水少穎悟年九歲爲詩文立就鄉里



有神童之目十六受知於督學金檜門入庠乾隆丙子舉於鄉辛巳成進士又十二年選授安徽宿松縣令宿松俗刁悍有石吳賀姓者富民也爭墳穴以貲角勝負訟久不決堂至則謝請謁平曲直訟立解有牧豕奴縱豕踐田禾農夫劉某執槍逐之誤傷其足旣創愈旋以風疾死而黥者嗾以死於槍刃控前令將論抵矣堂繼至乃追取醫方訊得臨時病死狀獄遂白邑西鄰湖北黃梅縣黃梅獲竊匪宿松民也令鞫得在籍犯竊案而以獲鄰省逸盜報檄至宿松宿松吏請補報可無害堂曰黃梅以爲盜吾邑自竊耳事主原詞穴壁可據計贓輕法不當死附和成獄吾不忍爲也卒以不報呈吏議去官堂孝於親篤於友其父

瀘谿縣志

卷九 人物下

十四

年踰五十始生堂壽至九十餘堂服勤至老無不得其歡心廣昌詩人何鶴年堂執友也客天津病甚堂爲之延醫藥踰月卒不起扶其櫬以歸聞者咸頌其義堂夙負才名旣罷官歸當塗多延爲書院山長經指授者率多佳士年六十六卒所著有詩古文十餘卷子二長鑄舉人陝西靖邊縣知縣著有四畦吟草孫潤會拔貢任餘干訓導丘栲字南有邑庠生潛心經史尤精易義少受知於郡守徐公天麒三厄棘闈遂不復赴試居家授徒於四子書多能闢發奧旨文必以先正爲歸晚年從遊益眾多知名士進士林策其高足也處宗族鄉黨一秉公正風俗以不偷



于蘇字子淑又字素菴邑庠生謹厚端方家頗饒凡邑中修城建學修會城漕倉及橋渡道路義舉靡不捐貲共襄乾隆癸亥邑大饑傾困以濟妻丁氏更爲粥以食饑者日久而不厭穀既盡復乞糴遠方繼之有負欠者焚其券壬申饑丙子又饑賑之悉如前邑令顧惠懋重其行舉鄉飲賓年七十有三卒長子琬精醫尤善療目有患者求醫藥不受值遠者留於家日飲食之愈而後遣歸

林彩字仲彩性孝友重義蓄積不甚厚而樂施予初城北建接龍橋首捐銀一百五十兩工未竣而圯復捐銀八十兩拾原石於上流砌二墩以待繼者歲饑解囊以助賑神廟寺觀有募化者亦厚施之邑令謝禮之賓筵長子元字

子元好善樂施如其父城東五里許有石陂渡春夏水漲多不便元計改道於河右山麓相椒谿樟樹下建石橋費金千餘工已竣而水衝圯旋於石陂置義渡捐田租五石以資渡費自渡上游至黃石口計程十里許甃石路費金亦不下千餘親友有貧者輒贈金爲之區畫凡有貸概不取息年八十有三卒

傅倓字繼昆邑庠生資性渾厚家頗饒慷慨無鄙吝能稱貸不償者置之佃人負租者聽之乾隆庚子歲大饑倓領困廉值遠近咸賴以濟復碾米以給鄰族全活甚眾嘉慶庚申邑建考棚倓輸百金首倡功告成復捐田租二十石俾永爲試卷費勒諸石



盧拱辰字斗文太學生嚴氣正性動持禮法家規肅然有不率告祖懲之故族無佻達習族有女歸陳氏乏嗣擬以田九畝三分零入寺佞佛拱辰力挽之歸學官家僅中人產凡先人遺藁及鄉先生詩文可傳者多爲剞劂又刊醫學入門聖神功化錄以勸善濟人

何仁彥質樸好義家僅中貲凡道路橋梁有待修治靡不襄貲自鐵牛關至大禾山小禾山縣亘三十餘里皆屬光澤實臨金南瀘入閩孔道峯峻路險仁彥獨力捐修又縣西北有鰈魚峯爲金瀘貴三邑通衢廿餘里悉懸崖峭壁仁彥披荆鑿石直至銀坑嶺皆成坦途自乾隆乙未至丙午十餘年傾囊倒篋時或稱貸益之復親督工匠備歷勤

勞露宿野處不恤也年八十有六卒

石調字振金乾隆辛卯舉人性至孝奉養葬祭靡不盡禮弟振琳受室不育調鬻己產爲置妾得不絕嗣司訓吉安崇學校勤考課監鷺洲書院時與院長孳孳樂育歲庚戌主講席啟迪彌殷以敦品研經相勸勉士風一振宦遊十六年歸後進奉爲模範

魏若虛字君實一字漁汀乾隆甲午科舉人甲辰進士授刑部河南司主事旋轉湖廣司爲人骯髒有氣與俗多不諧其在部讞案務覈實不隨眾畫諾辯盧秀擅殺有罪卑幼應照新例減等一奏援引律例尤爲精嚴凡有獄不平者亟爭之不少阿附以是忤上官改授工部虞衡司主事



丁艱歸以事爲本省大吏糾參革職沒于都著有楚司末  
議一卷平反節要數卷

林策字運籌一字董帷郡廩生乾隆己酉舉於鄉嘉慶丙  
辰成進士選廣西蒼梧縣甫下車有盜誣扳富民全姓又  
有陳性命案株連蘇氏者廉得實並釋其無辜有童子李  
百齡家與族凶毆互訟太府褫衣頂者三十餘人策知其  
冤詳請均得開復他縣疑案多委鞠之先是廣東巨匪陳  
亞春等屢拒傷官兵制軍縣賞購之不得策獲其魁制軍  
保奏送部引見塗次聞母訃歸遂絕意仕進不出居家教  
育子弟引掖後進里鄙欽之嘗續纂縣志甫脫藁而卒  
饒應泰字吉鄰乾隆丁酉舉於鄉三入禮闈不第以大挑

瀘谿縣志

卷九 人物下

七

試用署廣東三水信宜西寧縣有實政補清遠以教養興  
創爲己任移建

文廟作廣濟倉設鳳城書院立課程厚膏火延名士主講席擇  
其尤者移署自教之邑無薦士久至是決科者凡數輩邑  
當入粵之衝使節交馳又濱海多盜泰晝具供張夕理文  
牘夜漏三下猶秉燭決事以爲常有無賴兄弟預毒父斃  
於仇室誣諸官泰虛心審訊得實民情悅服吉制軍嘗曰  
饒令眞讀書人也在任八年積勞成疾以居母喪哀毀逾  
情尋卒年五十有六泰天性孝友弟三人婚娶皆其力有  
屋一區割以分弟其子至貧室以居又數爲族姻友舊之  
無室者納婦每居公車在署同鄉皆有饋贈仕宦十年貧



如故嘗勸子弟書云人患不自立奚患貧使吾得一官卽有膏腴之奉非惟有玷祖德適以長爾輩驕奢耳邑人咸重其行事

丁步曾字淳甫一字毅齋年十四補弟子員十五丁母憂居喪哀毀如成人乾隆戊申督學使者翁方綱按試建郡以經解冠其曹遂以是秋領鄉薦時主試者趙佑也後趙督學閩中步曾以所作舜命九官論上謁蒙嘆賞之嘉慶辛酉會試成進士授內閣中書以歸步曾少旣穎悟長益博覽於諸經皆有論著爲文深醇篤厚以前明大家爲歸深痛俗學之弊不屑屑於富貴利達主講鶴城書院知名士樂就之以曾祖母少守節欲請旌於朝會遊閩事不果

壬戌冬卒於家年四十有一所著有春秋會解二十四卷書經詳節八卷易圖說略一卷俱未梓詩古文集行世何成字立中歲貢生性謙退常覺己不若人授徒功課嚴切質疑問難反復引伸無暴辭戾色年五十猶具慶孺慕殷殷不肯就遠館兄敬郡庠生亦好學修行怡怡友恭白首如髦年館城市者二十餘載公庭無足跡于翔字國祥一字蔚然也廩生少孤事母至孝母命以學篤志攻苦母病腫經十餘年奉侍湯藥無倦色母歿哀毀骨立乾隆庚子歲大饑出穀百餘石不給復乞糴遠方以濟妻魏氏作糜以待餓者翔于詩書外兼通星麻醫卜形家之學丁毅齋居鄰邨著書常舉以就正嘉慶癸酉科



欽賜副貢卒年八十有三

丘維盛六都白泥里人客於杭人多傳其全某孀婦節事然盛絕不自道故莫詳其實在杭數十年同鄉公車過杭者多以盛爲東道主斧資或缺且取給焉一時名流如金谿楊鹿帆撫軍同邑魏漁汀主事皆與訂交然卒以輕財落業不能歸羈棲萬壽宮漁汀自京歸過杭始攜之旋里先是盛在外久其子皆能服賈積有微資至盛歸囊橐蕭然而揮霍如故凡修橋路賑饑荒無不傾輸蓋其好義出天性云

盧學鴻字守遺歲貢生素敦孝友得父母歡心待異母弟如同懷居城市足不履公庭不與外事惟閉門讀書而已

瀘谿縣志

卷九

人物下

十九

早歲有文名見賞於郡守李公昌煜後以明經終兩學重其文行舉膺賓筵

鄧玉鈞字石卿爲人重義倜儻博學性耽吟咏十六歲遊廬山詩益工翁覃谿學使亟稱之己酉選人成均數奇不遇少失恃事父孝家素貧取與不苟奔馳嶺海足跡所至人士無不願納交僑居昭盞數十載湯茗孫舍人蔣蓮友明經皆出其門茗孫校其詩付梓題曰秋萍詩鈔晚年選授龍泉教諭踰年卒

魏瑞字官常一字松齡嘉慶戊午舉人戊辰進士以榜前大挑二等選撫州教授在任三年以憂歸服闕撫州伊太守請設教於署丁丑補袁州教授監昌黎書院代理宜春



教諭事後以病致仕旋卒瑞在撫州時邑人鄧玉鈞亦僑居於撫與瑞最善二人並爲伊太守所重戚友某以訟事至郡欲其居閑固拒之以故先後十年絕無請託撫州人以瑞與玉鈞稱爲瀘谿二清云

石湛字紫凝嘉慶戊午舉人少嗜學敦行母病湯藥不假手他人及卒哀毀骨立事父愈加孝謹季弟早世乏嗣湛爲立後分家財贍之性嚴介非端方士不交匪人亦莫敢近信義孚鄉里有疑難片言折定邑有義舉力爲贊襄先是大父迴瀾捐田倡建育嬰堂於城南日久朽壞湛毅然修復之歲己巳主講鶴城書院誘掖後進孳孳不倦有託以干謁者正色屏絕素精岐黃術施藥濟人全活甚眾晚

司訓德安親講席者悅服五載卒於官囊橐蕭然人士賻贖始得扶櫬以歸

章正平家貧甚父織屨母瞽正平稍長傭力供饗殮每食必待父母飽而後食寢與服御浣濯諸事靡不應候適意族人有倍賞雇其郵遞者五十里外卽堅辭曰不能晚歸恐親無人奉事耳父年至九十有四母年至九十有一上紹庭六都白泥里人父作明母張氏兄紹金家素貧父死析爨紹庭惟傭力以供饘粥後開炭店於浙之常山誠樸不欺商侶咸愛悅之每歲杪必束裝歸養和氣怡色能得母歡時母年六十餘自常山歸中途聞母病急奔抵家見母呻吟牀蓐卽夜禱於神剖股和藥以進病旋瘥紹庭



復出理舊業偶一日假寐忽夢身在家中母寢疾其妻泣  
牀下既覺大驚次夕夢如前急以貨物託同好星馳歸家  
入門時母已不能言倉皇無計忽又念俗有割肝之說行  
此或可以邀天眷乃閉室默禱解衣抽刀搨右肋入寸許  
以兩指探索殊覺空洞無物血溢倒地其妻將覓湯飲母  
聞喘急聲啟門見紹庭卧血中營救始甦以藥敷瘡口束  
之不數日杖而能行詣母側母忽張目曰汝又欲爲此耶  
意良苦矣然母卒不起紹庭哀毀骨立喪葬盡禮其兄亦  
旋卒無子嫂熒然靡依乃迎與同居給養終身焉孝廉劉  
逢吉有傳

彭筠字楷軒郡庠生父大勲任湖北荊州府經歷筠家稱

瀘谿縣志

卷九

人物下

三

素封遇善事無不樂爲歲饑嘗出穀贖錢以周里黨以邑  
多寒士遇大比歲多有乏資斧不能赴試者臨終乃遺命  
囑其子捐租百石爲邑士賓興費諸子以其事呈請邑令  
邑令吳嘉其義爲詳請奉

旨旌表樂善好施勒石建坊

林南馨字有倫四齡失怙事生母繼母以孝聞友弟恭兄  
情誼真摯與人接恂恂似不能言兄業儒以南馨誠篤欲  
其綜理家政未弱冠爲捐貢生南馨性耽書不忍棄去日  
潛心經史兼及詩古文詞又以其餘力習名人書畫悉可  
觀居城市非公不至惜不獲長齋士林慨嘆之  
石齊素性寬厚質樸人有非笑狎侮之者率不校勤苦力



作家以漸饒其子欲爲援例入成均素不許曰吾意不在此今後邑中有義舉汝等勉爲之可矣未幾卒會邑議賓興事子日升日華體父志捐租三十石以襄之其從子太學生寶光亦輸助如其數

石鳳宗四都人天性孝友嘗同弟入山采樵遇虎突出銜其弟去鳳宗奮身力奪持刀擊虎口虎負痛良久乃放鳳宗踉蹌負弟走虎怒追之禦至四里許方免而弟獲全尸以沒家貧終身不娶事老母撫寡弟婦人無間言

鄧芝字漁浦少負雋才年十一外祖試疾風勁草歌豪宕激烈擊節賞之弱冠受知學使胡公取冠其曹才名赫然爲文縱橫馳驟不受前人控勒尤長於詩著有漁浦詩鈔

行世語多悲壯與和平之旨相間發體兼李白杜甫風骨遠追漢魏生平慕古人忠孝大節而於境之險夷順逆澹如也晚年多所成就如臨邑主事湯儲藩輩皆親受業世無論識與不識讀其詩輒想見其人云

鄧聯字朝議髫年失怙事母至孝待兄弟愛出天性性嚴謹動循禮法鄉隣佻無行見輒避而教人每舉師德唾面一語爲處世大矩族有起碓場堰水妨其祭田者眾皆不服聯以成功不毀卒讓之其人適暴死得無累人以爲先幾之哲云司訓

甘劉

兩學博舉鄉飲介賓年八十而卒

魏崇基字培因號子駿祖若虛官刑部主政以劾罷卒京師宦橐蕭然崇基幼隨父讀穎敏絕人下筆輟超軼時輩



弱冠以文呈學博郭韻堂黃樹齋兩先生皆歎曰元文也  
試郡補諸生皆第一復冠軍食餼顧秋闈九報罷同輩呼  
屈夷然不以介意道光甲午中副車乙未省元計偕京師  
諸公爭招致之終不往獨坐其師樹齋侍郎客邸潛心理  
學諸書一時服其高既又罷春官試遂歸歷主講書院以  
終年止四十竟無子生平事寡母極孝叔老妹貧皆待以  
舉火濟友之急忘其無餘積也文莪不自收拾咸惜其無  
傳云

石元珪字介孫明季石文器官大理丞九世祖也元珪少  
英雋敏文試雄其曹道光十七年食餼拔貢留京教習甲  
辰成進士授戶部主政轉刑曹生平負氣敢任部務尤敏

鍊同官每資以裁決錚錚有幹濟聲後以株累抄產下獄  
比谿釋已死獄中雖給還家產而宦囊素空旅櫬皆不得  
歸家眷留京師

孫丙章字吉堦號壽垣學問淵雅常著禹貢圖說甚精道  
光乙酉舉孝廉屢薦春官不第後攝篆貴谿廣文復任浮  
梁訓導丁憂歸年幾七十始銓授貴州施秉知縣值苗匪  
亂施秉矢守祇與百姓保禦山砦兵弁某帶官軍勦苗知  
其撫輯有方苗酋多受約束囑招之甫抵其洞相要約而  
官軍驟至執苗酋丙大驚間道潛返遂卒轎中至今埋骨  
黔中妻孥不得歸也時已勞績陞州不及抵任而卒聞者  
惜之



曾淑度字肅常天性孝友行誼端直能以德化其家一室  
雍睦出行市廛間雖市儈莫不起敬讀書根抵古人詩文  
皆拔俗一時新進多受其陶鑄白首諸生夷然不以介意  
兀坐山塾嘯詠不輒

徐光國號黼臣道光庚子年舉人少貧教授毅然克自樹  
立披誦晨夕不倦工制藝壯歲郡試冠軍入邑庠試屢高  
等鄉捷後再屈南宮遂罷公車雖當時諸公有舊謝不往  
生平負才力能任事居鄉直節自高里人有爭釁輒造問  
質曲直其風概如王彥方云

曾淑薰字經常號香浦嘉慶己卯舉人少好學文章沉厚  
根柢經術雅性恬靜雖居市廛未嘗以塵務相撓家用屢  
空吟哦不輟殊灑然有以自樂平居教授數主講書院造  
就甚多歷任瑞昌石城訓導皆歎曰君子也後卒石城任  
所道光戊子張志原稿薰與林策共起草焉

李爲楨字觀湖號雙溪道光甲辰舉人性豁達無城府嗜  
飲酒絕他嗜好文章出入經史歸於大雅子弟經其指授  
多騫騰以去嘗一試於禮部以衰病不能終場事遂絕意  
公車優游林泉授徒課孫蓋甚樂云

林晉字伯顏號晝臣己酉舉人少喜讀書博記覽文章清  
高拔俗生平意氣自豪待人有肝胆其後屢困公車家復  
清貧同輩頗傷偃蹇慨然曰丈夫窮達有時耳戚戚何爲  
哉顧終不遇年未五十而卒



林以成字韻美號韶笙道光壬辰舉人沉潛嗜學與人酬接和平樂易恂恂然言行不苟望而知爲長者爲文銜華佩實斟酌古今咸以爲當捷南宮屢薦報罷年亦不承殆有數存其間云

鄧炳字訥齋一字閣峯幼失怙能孝事寡母隨其祖授讀於鄉出筆超駿長益沉浸學問古今文無不洞悉源流尤以行誼見重藝林與交皆志節士賦詩飲酒陶陶也年甫冠試童軍補諸生高等食餼數薦鄉闈不第每惜其中歲坎壈竟以避寇得疾卒窮巖敗屋間

李晉光字冠南號曉瀛歲貢生少時才鋒鐔立學極淹博鎔經鑄史不可一世每試輒雄其曹一時名公皆異視之

顧解試雖特薦終報罷生平操履純篤事親尤孝其父晚置伴室鄧氏晉事之如母鄧氏有狂疾盛怒輒跪牀下求解見者歎以爲難每當一燈獨坐或歌或泣知其悲慨最深也收視軒制藝行世其友盧孝廉譔序之

徐奉璋字璧城一字我卿邑廩生博學強記爲文日光玉潔嘗手寫十三經皆有心得作字敏捷如飛族人步瀛鳳臨父子以能文與鄉薦而璋所期者大薦而不遇中歲遂卒秉性清剛正直遇事侃侃不避危難儒林中君子也

林汝翼字左輔邑庠生品端行厚自以門望清華志氣甚銳文章光采焯然比遭亂避兵光澤西鄉嘗說其鄉團擊賊嵩市後又隨官軍駐瀘禦寇調餉勞苦不辭也旋以官



軍敗屺賊追殺之翼被刃創甚兩頰血溢罵不止匍匐至  
梟頭一夕死

石錫瓚字純夫邑庠生家貧教授賦性端方不能與世俯  
仰咸豐六年遇賊被擄餽充書記毅然曰某士人從汝作  
賊耶賊怒殺之

石升階字博苑歲貢生性沉靜博覽羣書與人非有夙契  
不强作周旋試鄉闈再薦報罷咸豐八年與族人錫瓚俱  
罵賊死

傅班聯字展成號筍圃優學生爲人疎儻有邁俗氣顧於  
世事極鍊達邑有公事輟請任之若建接龍橋捐貲不給  
遂售產以濟里居近城無事不肯造謁構小園植花木終

日讀書飲酒其下性愛抄書胸次淹博邑令張澍重之修  
前志猶倚爲文獻云

盧文誥字蕙彬道光己酉科

欽賜副舉賦性灑落不競聲利雖居城市無干謁日與朋  
舊坐闌闔間鼓掌笑諱年已篤老猶逐鄰舍兒跳跟作五  
禽戲論者謂其天不鑿斯壽徵與卒時年八十九歲

胡鍾靈字定祖又字子餘邑庠生性行方直不苟少有志  
節其伯父無子欲後之授以家產鍾靈讓其從兄繼焉又  
欲分產承愛繼辭以歸祭率族人共祀之其於學務根柢  
爲文規撫前輩試屢高等學使李公送豫章書院肄業顧  
科名終絀卒老于里居教授邑中知名士多出其門下子



國華尤聰悟能文行誼與父捋餼於庠屢薦弗售年僅四旬而歿孫廷翰丁卯科舉人

林自立字效端一字卓峯戊寅科舉人已未大挑一等捧檄江南一時大憲知其材任理劇委訊鄰獄同寅爭質疑案甚有能更名始授英山知縣風采隱然有大邨當江潯狎近倡館士人惡其造屋塞孔道控官請折之而伎家抗挾豪勢自立抵勘省獄辭不謀於吏乘夜親往押折請託不行邑人大驚服連決數獄呼曰林青天云後以大吏不樂卸任解餉北行極受賂累嗣改任黟縣勤吏事聲名如在英山時時方寇賊驛騷未及滿任予告歸次子汝瀛原任東鄉訓導

瀘谿縣志

卷九

人物下

三十七

何希軾字達夫歲貢生性敦厚無城府好學至老不倦每朋舊讌坐口不談世事輟証論古今自經史諸子百家野史稗說靡不貫串纏纏忘倦家貧白首教授造就甚多操坊間選政數十年去取皆有精識至近人之文尤賴以掇拾不傷沉沒云

黃中靈字虛籟邑庠生少習詞章之學志意卓犖詩文皆疏宕有奇氣嘗受知於學使福公終歲挾一冊文游四方殊落落也晚歲不偶自行益恢奇自喜竟與其友金谿鄧公旅卒京師

孫錦十四都人有女及笄未配賊朱某踞嵩市媚賊者屢繩錦女於賊因逼令錦以女嫁之錦以為恥而力不能



拒賊憤懣飲毒藥死

林惠吉農家子負城而居咸豐六年遭寇擄逼令鄉導時官弁富家皆匿近山惠吉固知之賊懼以不相指引先殺爾矣吉終不言賊怒刀斧交下雖身死而全活甚眾

周明魁世業農不識詩書而孝出天性母八旬餘奉養無缺迨賊至倉卒負母逃賊尾而逐之母呼曰盍舍我同死無益也明魁疾走不顧賊怒殺母并殺魁

林逢馨字有章號半千邑庠生讀書負氣節所與交密皆一時知名士近城來者山房結伴聚講十餘年同輩多騫翥科名半千獨不遇而志益銳終屈抑以死居家孝友侃侃嚴正邑有善舉輒請董其事不辭艱鉅或售己產以相

瀘谿縣志

卷九 人物下

三八

濟

彭在雲字漿汀優學生天性篤孝父患狂疾與其婦曾氏小心調養及母患疫甚危夫婦不離床席目不交睫者數月其婦素弱積勞幾殆姑屢揮之不去在雲以此敬其婦終身不衰平居教子甚嚴勤處世外和內介家不饒好濟人急鄉里感之當避寇山村無賴子過其廬輒曰此翁長者無相擾也與諸子語決賊必亡而訓以忠義未一載遽沒於邸所年七十三歲子壬子科舉人鍾華

盧撫謙號地山少貧投徒家塾中歲稍裕性孝友事曾王父母盡歡姪患痘十餘夕調護不寐目爲之腫待族黨如一家其邨不戒於火營館粥共食相賙恤雅性寬厚好行



陰陽里有以嫌疑欲出妻者設策白其誣疑遂解里中館師無故罵坐撝謙不與校後其人造門謝過盛德有容率此類也子猷孝廉現任萬載訓導孫亦補諸生

彭濤字松軒邑庠生援例明經後以賓興捐租百石

旌表善士爲人天性豪華生長統袴頗不耐尋章摘句而好交游喜施與邑中知名士無不相與往來遇善舉慷慨無所吝惜至尊敬師友藉以造就子弟晚歲家落逋負種種弗索也構別墅擅園林花鳥之勝每佳辰招客歡讌焉

邑廩生林自拔字效鸞進士蒼梧大令策之幼子也大令解組歸里門第甚盛自拔寬和謙厚澹然雅素無貴介氣習士林咸欽其器識尤工於爲文淵源家學每試屢雄其

曹不幸遭時寇亂挈家避閩顧忠義出於天性同治三年官軍守瀘挺身籌餉旋以賊殺官軍負傷逃閩數日遂死於旅寓聞者惜之

太學生林用晉字植齋家產素饒事寡母尤以孝稱嘗以壽辰建坊大致賓客爲親榮雖貧產不惜也與人交敦尙氣誼揮霍財利是時邑士多風雅每九日登來鶴亭飲酒賦詩植齋與焉城居園林最勝後更移居蕉澗避遠塵囂畫梅甚見高致至邑有善舉輒奮財力以往焉

元愷字寅谷天性孤峭厭棄聲華遇勢要輒避去讀書聰悟過人而志趣高奇雖前輩之文所心摹力追不過數人而已平居專爲古文高處翛然自異閒構時藝餐冰嚼雪



絕煙火氣

饒崇慈字禹生道光五年科拔貢時學使李公芝齡衡文各郡務取一時才俊禹生遂與南豐吳嘉言譚錫洪輩同入珊網其後宜黃黃侍郎樹齋以詩鳴于京師雅重之其詩清思雋骨不襲牙慧風格高處似李長吉薩都刺惜兵燹後無有存者

監生盧傳薪字熙純少失所恃迫父歿家事一聽之繼母其弟爲繼母所出每分財產輟厚與弟其後弟貧更以己貲給之嘗有細民二人以債累將鬻妻以償傳薪各贈金償逋夫婦得以相保因是有子成家勸止溺女賙貲撫養歷費數十金生平篤親愛培陰隲有如此邑有善舉力任

瀘谿縣志

卷九 人物下

三

酬墊費不惜邑侯吳孝愉獎以匾額

鄧鳴瑞字寄梧歲貢生考授候用訓導少貧力學甚有文譽襟懷磊落夷曠曾不以窮達介意與之交者皆愛而重之後其子師韓登拔萃科試教習同在京師數年及得官湖北隨養于署以年老攜眷先歸植祀產培族子弟酬贈親舊優游間適而和厚之風可挹焉以今壽八十疾卒傳汝霖字蔚亭家素饒謙謹自持好獎掖鄉里善行三弟荆亭早亡遺子女俱襁抱霖爲教養如己子生平精醫術濟活甚眾不受謝邑侯吳書額褒之

太學生彭雯字枻軒號朗鑑年甫冠以父母老病兄弟皆少稚廢讀理家孝友甚著尤待人寬厚嘗請其祖輝雄焚



券數百金旅里咸歎曰孺子乃能如市義事也兄弟皆饒  
裕好施弟湘每歲樗施多金不惜而雯精醫遇貧困轉給  
以藥貲全活甚眾天性靜逸嘗於菜圃構小園暇則書畫  
於其中蘭竹尤瀟灑絕俗過其園者幾欲以隱逸目之  
邑廩生盧龍沉靜好學值寇至倉皇欲避則老父重病臥  
床席不任扶掖遂守其父不忍去賊并其父子殺之後以  
難卹入昭忠祠

黃瑞辰字從雲幼穎異弱冠服買常置書行篋備觀覽從  
叔父虛籟學詩古文詞日有名年二十七歲試冠童軍補  
弟子員天性孝友母病二年侍湯藥不離側撫諸季泯怨  
尤爲文務追先軌竟躡於鄉試著有蓮心文章待梓

瀘谿縣志

卷九

人物下

三十一

貢生鄧基字采卿性和厚好讀書賊踞瀘擄掠基與族人  
謀守禦猝不支賊劫之去基斥曰安有冠儒冠而與鼠輩  
作釜裏遊乎賊怒遂殺之時同死寇者有族人朝紀敷奏  
盛龍照臨嘉臨

邑庠生高標字藹吉幼孤雖家素封無純禠習壯歲折節  
讀書補邑弟子員性豪俠好施與師沒撥租贍其家有家  
貧欲售其婦者贈金止弗售晚精岐黃濟活甚眾及寇亂  
縣憲田令帶團禦賊全港失利被殺以殉難彙報從祀昭

忠祠

監生魏薰號竹軒幼清貧勤儉自持置產頗豐生平好善  
舉嘗獨修石橋以利行人工未就溪水暴漲薰肅衣冠展



拜淤泥中水不爲言薰時艱嗣息逾年舉子遂以午橋命名焉

鄧資深性和易以儉素致家富厚生平慷慨好施嘗捐租贖族辦漕運船廣祠祀前邑侯田修城資力爲多鄉鄰有犯者不與校人服其雅量云

監生彭旭少得疾廢讀咸豐七年舉家避賊山中賊搜得旭索金贖釋旭辭以無金賊怒驅至山口斫以刃未殊也賊退家人掖歸山厥血淋漓氣息僅屬尙倔強作罵賊狀遂以傷重死

曾韻字曉英號雪汀邑貢生少負文譽爲人外和內介以立品自高與族人淑度並教授里塾族子弟多賴其裁成

瀘谿縣志

卷九

人物下

三二

一時稱兩先生莫不望而加敬每客讌飲酒賦詩猶可想其風致云

曾展宗業農天性孝友樸厚服於鄉里己未寇屯嵩市肆掠旁村宗聯卒堵隘捍衛桑梓逾旬賊大集以眾寡不敵鄉團驚潰宗力鬪被創而死

廩生邱鶴松好讀書工於爲文手抄盈几秋試三薦不售鄉里稱屈咸豐十一年逆賊脅之去不從遂被殺

邑庠生胡清華性孝友遇事不避險難當逆寇踞瀘前田令以貴團進勦清迎至高阜率聯導之團旣敗去怨家赴賊訐告賊囚其父清哀號赴賊館乞代父囚旋以賊去得無死後轉餉官軍積勞病沒



祁庠魏朝鑑號柳亭刑曹主政若虛次子操行方正甘貧嗜學不以外務撻習弱冠補諸生試屢高等願終躡鄉闈惟以教授生徒老焉尤潛心易學著有易經駢言以寇亂佚其稿

彭燮業儒館貴溪婦翁吳氏家去其家七十餘里咸豐七年寇警婦翁呼燮同避燮泣辭父母不知奔匿何所焉忍獨避當歸隨左右同生死耳倉卒行三四里許遇賊執之又不肯從賊被殺於道

生員黃廷廣天性孝友遇鄉里爭競出一言排解無不冰釋咸豐七年賊竄入境同閭閻堵禦被殺

監生子果行慷慨好義遇事排解邑有善舉捐貲恐後年  
濬縣志 卷九 人物下 三三  
七旬賓客盈庭介壽子孫造次捧觴歷觀四代一時歎福  
德兼邵焉

武生彭如鰲素行和厚爲鄉族所信重咸豐十一年六月寇據城窮搜山谷鰲挈眷避些子坑賊執之並脅其子媳以行鰲瞑目大罵遂與長子綱生媳魏氏鄧氏俱死焉  
蕭永福十都金斗里人咸豐丁巳洪賊館桐埠等村時與南城大小竺珀玕起聯堵將軍嶺福邀本里聯甲應之里人臨敵畏縮福獨執旗以先勢孤被殺

黃壽春十三都衢峯人也與堡鄉李喜石坪吳瑞春於咸豐辛酉五月賊縱掠道出將軍嶺盤曲險峻三人同鄉聯以石擊退賊遂屯嶺上黎明賊乘霧魚貫登聯不戰而潰



瑞春死之而壽春喜生皆就擒賊誘降不從且憤其先抗己也杵擣其首如泥自寇蹂以來二人得禍最酷焉

胡財喜三都樟溪人也兄弟三人素業獵以胆力自豪先是僑居貴溪充聯勇每出必前導成豐辛酉六月賊館高阜馬鞍等處財兄弟在卡防衛甚力至七月賊大衅於饒橋與眾謀襲走之至馬鞍橋遇賊過河財據橋奪鎗斃數賊而高阜巨股已至聯潰財與仲進喜俱死之獨其季秋喜獲免血漬滿身執旗寸裂時二都吳起宗陳歡喜亦力鬪死

貢生石誠號止一家貧嗜學氣節自矜弱冠隸諸生試冠曹遂餼焉文章風骨巋然顧秋闈屢報罷卒老於里居教

授凡遊其門者多騫騰以去著有紹馨齋文稿行於世

黃細予咸豐十一年建營官軍會聯勦踞城逆寇細予戰歿

石遜行里人報其事母至孝雖無瑰行傳聞遠近而孝本庸德既爲族里交稱當不爽云

鄒祥發咸豐十一年六月避寇五都瑞光寺賊猝至呼譟聲如沸祥與孫福壽等十餘人攘臂阻其鋒眾遂得逃而祥與福二人竟被殺又有民人王福保潤生秀林黎歡喜連喜春喜鼎祥藹元饒禮基振元修淇先後以賊脅不從死

黃聯斗家素貧力作自給性至孝能以菽水侍母歡其行



誼誠懇見重鄉里後舉赴賓筵

黃兆龍咸豐十一年六月與聯丁六百餘人在紙錢嶺卡防守賊攻破之龍殿後被創而亡

曾丙良同治三年五月賊縱掠良與聯丁在考坑嶺設卡嚴守先後殺賊數名後逼賊巢被執賊支解之詳報入省祠從祀

周興良咸豐七年正月賊魁朱殘破光邑花山界良被執不屈賊怒碎其尸

民人胡年生素稱里中良善咸豐八年遭賊擄不從反奪賊械與鬪賊牽戮村外受數刃猶罵不絕口賊怒碎其尸年弟鼎生同治二年六月以早收潛歸賊夜掩執亦不屈

而死又有族人允協負父逃山中賊後追置父叢茅間而自坐路旁以餌追者賊執之歸營不食尋見殺

黃碧輝十六都人幼喪父力勤以養母母患危病輝以藥餌無靈聞有割股以愈親疾者因禱神潛取一瓣以進母服之愈人謂精誠所感也後家饒裕救危濟貧鄉里感焉年六旬訓導黃壽以匾額晚歲罵賊而死

徐瘋子三都農家子負氣力習拳技咸豐七年聯甲逐賊操棒率其徒與賊鬪連斃三賊賊大集力盡被殺

徐新德素沉毅敢任事七年與團勇禦賊於高阜界上銃斃二賊賊蜂集終不退遂攢刃而死

盧學麟字瑞徵嘉慶六年選拔貢生晚循資格銓選峽江



教諭迪行課藝十餘年尤能廉正寬厚師道自崇邑士民甚相感悅後以寇亂歸里仍手卷不釋其子孫詩書世其業云

丁敬字簡夫弱冠補弟子員嘉慶乙亥同諸生丁紹本數人首告李老五妖言煽亂議敘八品職銜生平事親至孝端毅尙節義取予不苟學問文章以古人相矜尙觥觥然著聞郡邑兼精于醫

丁紹本字滋園中書毅齋長子性謹然而負氣剛方遇事當爲不憚身任嘉慶乙亥間匪李老五煽亂亟籲大吏除之議敘九品職銜道光乙丑邑侯張取冠軍隸諸生爲文本家學紹緒渾樸有根柢惜獲一衿遽卒張公賦詩弔之

瀘谿縣志

卷九

人物下

三十六

妻曾氏甚著貞操

生員李咸熙字品度與弟藻章白首同爨母陳氏年近期頤舉止需人兄弟左右就養綽有老萊遺風其子弟皆習詩書列庠序者五六人殆家法爲一邑冠云

鄉飲介賓李玉華輕財好義親故貧者輒賙之修路建橋費無所吝子孫五世同堂以壽終

鄉耆劉斌戊午春避寇城坑被執不屈賊怒殺之時年七十零

曾懷清一都高阜人咸豐七年六月賊由新城竄烏石邑聯屯石斛嶺上懷以數十人馳入賊陣被殺時同死寇者龔欽泰羅祥生四都鄧贈生吳金保三都盧益生程信生



傅持祖等

余紹賢世業農咸豐七年六月朔賊踞烏石等村邑聯屯石斛嶺禦之賢奮勇殺賊二名卒以勢孤被殺時民人高義忠亦遭擒不屈死

傅秋喜與族人來春應生美生咸豐十一年七月同聯勇隨官軍擊賊於邑城西門離城十數里官軍敗四人鬥死時有傅芳亭夜偵賊至城下賊覺執之殺

傅冬陽同族柱良咸豐十一年六月廿八日賊縱掠荷戈衛境並死于難

傅坤咸豐八年六月初一日偕團勇禦賊于九都石斛嶺而殞時族人潤祿同死

瀘谿縣志

卷九 人物下

三七

于新科咸豐十一年隨建營官軍進逐踞瀘之寇寇出迎敵官軍失利遂死于陣

蕭永福咸豐丁巳夏賊至境率鄉團捍衛鄉里被殺

楊明祖戊午年賊擄掠逼近其村攜械往拒力盡被殺

職員江彝倫素行正直好施與親故有急輒傾篋助之鄉黨爭競咸取決焉年七十餘眼觀四代

童生黃錫奎於咸豐七年拒賊殞命

于聰生咸豐十一年隨建郡官軍勦賊於邑城命爲鄉導以無後繼賊圍殺之

黃新來素有膽勇與其弟新保相友愛一日耕山下遙見有傷虎奔伏山坎間毛血茸茸久之狀若死虎然新保近



晚之虎驟起銜保去新來急腰刀斧號呼隨虎後狂逐三四里始及之猛斫其背虎負痛不能左右舍保跳往前谷新來視弟尙活喜負以返卒與眾獵戶圍殺其虎

增生陳觀瀾操行方正胸無城府遇當爲輒身任無憚邑葛坪有石橋當郡孔道橋圯欵金修復瀾貲力爲多平居教授生徒以天倫自娛家庭雍然邑侯楊惠詩贈額每想其高致云

盧學輝素業農剛直有氣節子隸諸生同治三年避寇金邑中塗遭賊脅不從遂飲刃而死

王兆祥事母至孝咸豐十年扶母逃山中賊執其母將殺之祥叩頭流血漬地始獲免賊以祥歸營話充記室祥暉

目罵曰吾向之誑賊奴者全母命耳詎真從賊耶賊怒剗其腹而死

傅甲生朱厓里人其叔祖歲貢生名京咸豐七年田令謀逐寇功徵募其村會團總某與京素隙因事譖於官執而戮之甲生趨至館見堂上意甚惡叩頭流血泣求救宥旣乃請以身代田怒甚竟殺之甲臨刑屬所親善視衰病翁無負吾今日也聞者莫不流涕



于旭鍾字錫韓又字南符天資高邁幼時家極貧顧潛心  
博覽不以塵慮自撓文章古懋淵鬱風骨遠匹熊劉嘉慶  
丁卯舉秋元己巳遂成進士歷任山西崞縣左雲知縣綜  
理煩劇所至有聲大吏廉其賢以計卓題升府貳適病目  
解組旋家居著作自娛惜其稿遺失不傳於世

彭鍾華字蘇莽胸次淹博浩無涯際幼補郡諸生誠輟冠  
曹壬子始舉孝廉顧兩次計偕均以寇迴車生平務搜覽  
病中一卷自隨尤喜爲詩古文詞皆浸深漢魏超軼時輩  
嘗設教光澤貴溪諸巨室爭延致凡經其講畫者多騫翥  
以去天性至友愛庭中諸子弟咸仰給焉與人接貌和意  
厚城府不設羣推長者晚年歷主講鶴城書院各令咸禮  
瀘谿縣志

卷九 人物

三十九

異之然未嘗有所干營今春兼屬總修邑乘甫脫橐以疾  
歸月餘竟歿

